

საქართველო იმპერიებს შორის: გლობალური ძალების გავლენის შეფასება

შოთა ლომინაშვილი

ეკონომიკის დოქტორი,

აკაკი წერეთლის

სახელმწიფო უნივერსიტეტი

მიხეილ თოქმაშვილი

ეკონომიკის მეცნიერებათა დოქტორი,

აკაკი წერეთლის

სახელმწიფო უნივერსიტეტი

აბსტრაქტი

კვლევა მიზნად ისახავს 1991–2025 წლებში რუსეთის, აშშ/ევროკავშირის და ჩინეთის ზემოქმედების ანალიზს საქართველოს საგარეო და შიდა პოლიტიკაზე. როგორც მცირე სახელმწიფო, საქართველო იძულებულია მართოს ამ ძალების სტრატეგიული ზეწოლა და მოახდინოს მრავალმხრივი ადაპტაცია.

კვლევის შედეგები აჩვენებს, რომ რუსეთის გავლენა უფრო მეტად ეფუძნება იდეოლოგიურ და კულტურულ მექანიზმებს, ვიდრე ეკონომიკას; აშშ/ევროკავშირის ზემოქმედება გულსხმობს ეკონომიკური ინტეგრაციის ზრდასა და დემოკრატიული რეფორმების განხორციელებას; ხოლო ჩინეთის როლი სტაბილურად იზრდება ეკონომიკური და პოლიტიკური სფეროებში პოლიტიკო-იდეოლოგიური მოთხოვნების გარეშე. ამ სამპოლარულ გარემოში საქართველო ავითარებს „ბუფეტის მოდელს“ და ცდილობს სარგებლის მიღებას სხვადასხვა ძალისგან, სრულ ინტეგრაციაზე უარის თქმის პირობებში.

მთავარი დასკვნაა, რომელოც გამომდინარეობს კვლევიდან არის ის, რომ 2021–2025 წლებში საქართველომ გადაინაცვლა ახალი სტრატეგიული პოზიციონირებისაკენ, სადაც ვეღარ დომინირებს ერთი ძალა, არამედ ყალიბდება სამპოლარული კონკურენცია ქვეყნების ზემოქმედების განსხვავებული დინამიკით. ამან შეიძლება გააძლიეროს ქვეყნის მანევრისუნარიანობა, მაგრამ ასევე აჩენს გრძელვადიანი სტრატეგიული კურსის დაკარგვისა და „გზის არსაითქვენ“ მოძრაობის საფრთხეს.

საკვანძო სიტყვები: საქართველო, რუსეთი, აშშ, ევროკავშირი, ჩინეთი, მცირე სახელმწიფო, გლობალური გავლენა, სამპოლარული სისტემა

GEORGIA BETWEEN EMPIRES: ASSESSING THE INFLUENCE OF GLOBAL POWERS

ABSTRACT

The study aims to analyze the influence of Russia, the US/EU, and China on Georgia's foreign and domes-

tic policy between 1991 and 2025. As a small state, Georgia has been compelled to manage the strategic pressure of these powers and pursue multidimensional adaptation.

The findings show that Russia's influence relies more on ideological and cultural mechanisms than on economic leverage; the US/EU impact emphasizes deeper economic integration and the implementation of democratic reforms; while China's role has been steadily expanding in the economic and political spheres without attaching political-ideological demands. In this tripolar environment, Georgia has developed a “buffet model,” seeking to benefit from different powers while avoiding full integration with any single one.

The main conclusion of the study is that between 2021 and 2025 Georgia has shifted toward a new strategic positioning where no single power dominates, but instead a tripolar competition emerges with differing dynamics of influence. This development may enhance the country's maneuverability but also raises the risk of losing a long-term strategic course and drifting toward a “road to nowhere.”

Keywords: Georgia, Russia, United States, European Union, China, small state, global influence, tripolar system

კვლევის მეთოდოლოგია

კვლევა მიზნად ისახავს 1991–2025 წლებში ძირითადი გლობალური ძალების, რუსეთის, აშშ/ევროკავშირის და ჩინეთის საქართველოზე გავლენის შეფასებას, იმის ანალიზი თუ როგორ პასუხობს საქართველო, როგორც მცირე სახელმწიფო, ამ ქვეყნების სტრატეგიულ ზეწოლას და როგორ მართავს მათ გავლენას. კვლევის მეთოდოლოგია აერთიანებს თვისებრივ ანალიზს, სემიოტიკურ და იდეოლოგიურ-პოლიტიკურ შეფასებებს. საკვანძო პერიოდებად აღებულია 1991 წელს საქართველოს დამოუკიდებლობის აღდგენა საბჭოთა კავშირის დაშლის შემდეგ და შემდგომი მთავარი პოლიტიკურ მოვლენები: 2003 წლის ვარდების რევოლუცია, 2008 წლის ომი რუსეთთან, 2014 წლის ევრო-

კავშირთან ასოცირების შეთანხმება, 2023 წელს ევროკავშირის კანდიდატობის სტატუსის მიღება, 2024 წელს “უცხოელი აგენტების შესახებ” კანონის მიღება და 2021–2025 წლებში საგარეო პოლიტიკის მრავალმხრივი დივერსიფიკაციის პროცესი. ეს მოვლენები წარმოადგენს კრიტიკულ წერტილებს იმისათვის, რომ შეფასდეს, როგორ განვითარდა უცხოური გავლენა ქვეყნის შიდა და გლობალური გეოპოლიტიკური დინამიკის ცვლილებების პარალელურად.

შედარებითი ფოკუსი გაკეთებულია სამ ძირითად გავლენიან ძალაზე – რუსეთზე, აშშ/ევროკავშირსა და ჩინეთზე (Papava, 2025), რომელთა ზემოქმედება საქართველოში არის როგორც სტრატეგიულად მნიშვნელოვანი, ასევე სისტემატური. ამ ძალების შერჩევა ეფუძნება მათ უნიკალურ გეოპოლიტიკურ მიზნებს, გავლენის მექანიზმებსა და სხვადასხვა სეგმენტებში (ეკონომიკური, ინსტიტუციონალური, იდეოლოგიური) საქართველოზე ურთიერთქმედების ხარისხს. ამ დინამიკის შესაფასებლად კვლევაში გამოყენებულია მეთოდოლოგიას, რომელიც აერთიანებს რაოდენობრივ მაჩვენებლებს, ხარისხობრივ ინსტიტუციურ ანალიზს და იდეოლოგიური მიმართულებებს.

ეკონომიკური გავლენის შეფასება განსაზღვრულია აღნიშნულ ქვეყნებთან სავაჭრო მოცულობითა და მიმართულებით, პირდაპირი უცხოური ინვესტიციების ნაკადებით და ოფიციალური ფინანსური დახმარებებით (გრანტები, სესხები, პროგრამები). ძირითად ინდიკატორებს წარმოადგენს ქვეყნებთან სავაჭრო ინტენსივობა, პირდაპირი ფინანსური მხარდაჭერა და უცხოური ინვესტიციების დარგობრივი მიმართულებები.

- ინსტიტუციური და პოლიტიკური გავლენა შეფასებულია საერთაშორისო სტანდარტებთან შესაბამისობის, სახელმწიფო ინსტიტუტების, კანონის უზენაესობის, ევროკავშირთან და აშშ-ს სააგენტოებთან ფინანსური დახმარებისა და ტექნიკური თანამშრომლობის საფუძველზე

- იდეოლოგიური, რბილი ძალის გავლენა შეფასებულია იმით, რაც ზემოქმედებს ნორმატიულ ღირებულებათა ცვლილებებსა და საზოგადოების წარმოდგენებზე - მედია კონტენტის, საჯარო დისკუსიების, კულტურული კამპანიებისა და სამოქალაქო საზოგადოების ანგარიშების ანალიზით.

კვლევაში გამოყენებულია გავლენის ორგანზომილებიანი მოდელი: (1) ეკონომიკური და (2) პოლიტიკური-ინსტიტუციონალური/იდეოლოგიური. თითოეულ განზომილებაში გამოყენებულია 0–20 ქულათა სკალა ხუთწლიანი ინტერვალებით. ამ სკალით განისაზღვრა ტენდენციები, ცვალებადობები, გარდამტეხი წერტილები და გავლენის ასიმეტრიები. მონაცემების სინთეზირების შედეგად გამოვლინდება უცხოური გავლენის ბალანსი და სხვაო-

ბები სხვადასხვა პერიოდში.

მეთოდოლოგიას აქვს რამდენიმე შეზღუდვა. 0–20 სკალის გამოყენება სუბიექტური შეიძლება იყოს, განსაკუთრებით იდეოლოგიური და ინსტიტუციური გავლენის განზომილებებში, რადგან მათი რაოდენობრივი გაზომვა თავისი ბუნებით რთულია და გამოყენებულ მონაცემთა სანდოობის ხარისხიც განსხვავებულია. ხუთწლიანი ინტერვალების გამოყენებით კი შესაძლებელია ყურადღების მიღმა დარჩენილიყო მოკლევადიანი მნიშვნელოვანი ცვლილებები, რომელიც ქვეყნის განვითარებაში მოხდა. მოდელი ძირითადად განსაზღვრავს კორელაციებს, მიზეზების დადგენის გარეშე და შესაძლოა სუბიექტურად შეაფასოს შიდა ფაქტორები, რომლებიც ავლენს უცხოურ გავლენას. რბილი ძალის რაოდენობრივი შეფასება პირობითია, ხოლო გეოპოლიტიკური პროცესების დინამიკა 2025 წლის შემდეგ ქმნის სირთულეებს მის გრძელვადიან პროგნოზირებაში.

ანალიტიკურ სტრუქტურა რამდენიმე კონცეპტუალური ინოვაციური თეორიას ეყრდნობა:

- “დეკუპლინგის (განცალკევების) ჰიპოთეზით” ქვეყნის ეკონომიკური დამოკიდებულება ინვესტს პოლიტიკურ თანამშრომლობას (Farrell & Newman, 2019; Spence, 2023). საქართველოს მაგალითზე ეკონომიკური და პოლიტიკური დამოკიდებულებები ვითარდება სხვადასხვა გზებით.

- “გავლენის მაჩვენებელი” ახასიათებს გლობალური ძალების ეკონომიკური ძალაუფლების პოლიტიკურ ან იდეოლოგიურ უპირატესობაში გარდაქმნას, რაც თვალშისაცემად ჩანს რუსეთის შემთხვევაში, რომელსაც აქვს მაღალი იდეოლოგიური გავლენა ეკონომიკურ ჩართულობასთან შედარებით (McClory, 2019; National Intelligence Council, 2021).

- “ბუფეტის მოდელი,” (Buffet model) აღწერს, როგორ ირჩევს საქართველო უცხოური გავლენის ასპექტებს კონკრეტული საჭიროებების მიხედვით, ისე რომ სრულად არ დაუკავშირდესა ერთ რომელიმე ძალას. ეს “პოსტინტეგრაციულ გეოპოლიტიკა” აღნიშნავს აღმოსავლეთსა და დასავლეთს შორის არჩევისგან გამოყოფას და უფრო მოქნილი, მრავალმიმართულებითი სტრატეგიის შერჩევას, რაც დამახასიათებელია მცირე სახელმწიფოებისთვის მრავალპოლარულ მსოფლიოში (Delcour, 2018; Korosteleva, 2012).

ანალიზისას გამოყენებულია ვიზუალიზაციის ინსტრუმენტები: გრძელვადიანი გავლენის დიაგრამები გლობალური ძალების მიხედვით შედარებითი გრაფიკები გავლენის კონვერგენციის და დივერსიფიკაციის დასადგენად და კრიტიკული მოვლენები, რომლებიც გავლენას ახდენს საქართველოს გეოპოლიტიკურ ორიენტაციაზე.

აღნიშნული მიდგომა ქმნის სრულყოფილ და

ინოვაციურ ჩარჩოს იმის გასაგებად, თუ როგორ რეაგირებს მცირე სახელმწიფო არა როგორც პასიური ობიექტი, არამედ როგორც სტრატეგიული ქვეყანა, როგორც საქართველო, დიდ ძალთა კონკურენციაზე, რომელიც ცდილობს რთული და ხშირად წინააღმდეგობრივი გეოპოლიტიკური ზენოლის მართვას.

ძირითადი მიზნაკვეთი


მონაცემებმა გამოავლინეს ეკონომიკური და პოლიტიკური/ინსტიტუციური გავლენის სისტემატური გაორმაგება საქართველოში. ტრადიციული გეოპოლიტიკური მოსაზრებების საწინააღმდეგოდ, რომ ეკონომიკური გავლენა პირდაპირ ცვლის პოლიტიკურ განწყობას, საქართველო ავლენს ამ ორი ფორმის გავლენის დივერსიფიკაციას, რაც განსა-

კუთრებით თვალსაჩინოა 2021–2025 წლებში.


დიაგრამა 1-2 ასახავს საქართველოს მიმართ გავლენის ცვალებადობას 1991–2025 წლებში, ავლენს ძირითად ტენდენციებს და პროგნოზებს, დაფუძნებულია გავლენის შეფასებებზე სხვადასხვა პერიოდებში.

1990-იანი წლების დასაწყისში, რუსეთს ჰქონდა დომინანტური ეკონომიკური, პოლიტიკური და იდეოლოგიური გავლენა საქართველოზე. თუმცა მისი გავლენა თანდათანობით შესუსტდა და განსაკუთრებით მკვეთრად დაეცა 2009–2012 წლებში, შემდგომ კი, 2016 წლის შემდეგ, იზრდება. რუსეთი მუდმივად იყენებს კულტურულ, რელიგიურ და იდეოლოგიურ მექანიზმებს, რათა შეინარჩუნოს ბევრად მაღალი პოლიტიკური გავლენა მის ეკონომიკურ ზემოქმედებათან შედარებით. მისი ეკონომი-

პოლიტიკური და იდეოლოგიური გავლენა (1991–2025)



ეკონომიკური გავლენა (1991–2025)



კური გავლენა 8–16 ქულის ფარგლებში მერყეობს, ხოლო პოლიტიკური გავლენა, განსაკუთრებით კონსერვატიული, მართლმადიდებლური და ნაციონალისტური ნარატივების საშუალებით, 2021 წლის შემდეგ 14–18 ქულის ფარგლებში რჩება. ეს ფენომენი შეიძლება განმარტებულ იქნას როგორც “კულტურული კაპიტალიზმი”, სადაც რუსეთი იყენებს სიმბოლურ და ნორმატიულ ძალას, რათა პოლიტიკური შედეგები მიიღოს მინიმალური ეკონომიკური ინვესტირების პირობებში.

რუსეთის გავლენის ინსტრუმენტებში შედის:

- კონსერვატიული პოლიტიკური მოძრაობების მხარდაჭერა;
- დეზინფორმაციული კამპანიები და მედიის კონტროლი;
- მართლმადიდებლობის, საერთო ისტორიული კავშირებისა და იდეოლოგიური ნარატივების გამოყენებაზე აქცენტი;
- სტრატეგიული დაზვერვა.

ამ მიდგომამ გააძლიერა ანტიდასავლური დისკურსი საქართველოში, განსაკუთრებით საარჩევნო პროცესებში და “უცხოელი აგენტების შესახებ” კანონის მსგავსი სამართლებრივი რეფორმების კონტექსტში. საერთო ტენდენცია ავლენს რუსული როლის ზრდას ქვეყნის შიდა საქმეებში. თუმცა, თუ ეს ტენდენცია გაგრძელდება, 2025 წლის შემდგომ რუსეთის გავლენას წინ გაუსწრებს ჩინეთი.

აშშ/ევროკავშირის გავლენას აქვს განსხვავებული ტრექტორია. იგი თანდათანობით გაიზარდა 1991 წლიდან, პიკს მიაღწია 2013–2016 წლებში. ეს პერიოდი დაემთხვა ევროკავშირისა და საქართველოს შორის ურთიერთობების გაღრმავებას, როგორცაა ევროკავშირთან ასოცირების ხელშეკრულების ხელმოწერა. თუმცა, 2017 წლის შემდეგ, გავლენა თანდათან შემცირდა, განსაკუთრებით 2021 წლის შემდეგ. როცა საქართველო ატარებდა დემოკრატიულ რეფორმებს და უახლოვდებოდა ევროკავშირის მასთან ინტეგრაციის ინტერესები მაქსიმუმს აღწევდა. თუმცა, ეს ტენდენცია არ აღმოჩნდა მდგრადი. დემოკრატიული მოთხოვნების შესრულების შედეგად წარმოიქმნა “სრულყოფილების პარადოქსი”: რაც უფრო მკაცრი იყო დემოკრატიის სტანდარტები, მით უფრო სუსტდებოდა საქართველოს ურთიერთობა ევროკავშირთან მათი შეუსრულებლობის შემთხვევაში. 2024 წლისთვის, საქართველოს დემოკრატიული უკუსვლა, ინსტიტუციური დასუსტება და გეოპოლიტიკური ვარიანტების გამოყენება იწვევს ევროკავშირის პოლიტიკური გავლენის დრამატულ ვარდნას, ხოლო ეკონომიკური გავლენა სუსტდებოდა შედარებით უფრო ნელა. ეს ფენომენი ასახავს “ინტეგრაციის გადალას”, როცა პარტნიორობებთან ურთიერთობის შესუსტება ხდება პოლიტიკური კონფერენციის

წარუმატებლობის შემთხვევაში. მიუხედავად ამისა, ევროკავშირი დარჩა ყველაზე გავლენიან ძალად საქართველოს ეკონომიკურ, პოლიტიკური-იდეოლოგიურ სივრცეში, თუმცა მისი დომინანტობა მომავალში ნაკლებად სარწმუნო შეიძლება აღმოჩნდეს.

ჩინეთს, პირიქით, 1990-იანი წლების დასაწყისში მცირე გავლენა ჰქონდა, თუმცა მთელი სემდგომი პერიოდის განმავლობაში სტაბილურად და მუდმივად იზრდება. მისი გავლენის ხარისხის დაბალია რუსეთისა და ევროკავშირთან შედარებით, თუმცა ზრდის ტრაექტორია მიუთითებს სტრატეგიული ჩართულობის ზრდაზე. 2023–2025 წლებში ჩინეთის ზემოქმედების ხარისხი თითქმის დაუახლოვდა რუსეთს, და შესაძლოა მალე გადააჭარბოს მას. ჩინეთის გავლენა საქართველოზე იზრდება განცალკევებული პარალელიზმის ფორმით, როდესაც ეკონომიკური და პოლიტიკური გავლენა ერთმანეთისაგან დამოუკიდებლად ვითარდება. ეკონომიკური გავლენა გაიზარდა 1–დან 9 ქულამდე, ხოლო პოლიტიკური გავლენა 0.5–დან 6 ქულამდე. ევროკავშირისა და რუსეთისგან განსხვავებით, ჩინეთი არ აწესებს იდეოლოგიურ მოთხოვნებს, რაც წარმოადგენს “შეღავათების მიცემით ზეგავლენას” – ინვესტიციები, ტექნოლოგია მიეწოდება საქართველოს და სავაჭრო ურთიერთობები მყარდება პოლიტიკურ მოთხოვნების გარეშე. ეს პრაქტიკული, ბიზნესზე ორიენტირებული სტრატეგია არის საქართველოსათვის როგორც დასავლური ლიბერალური მოდელების, ასევე რუსულ კონსერვატიზმის ალტერნატივა.

2021–2025 წლები საქართველოს საერთაშორისო პოზიციონირების კონტექსტში გეოპოლიტიკურად გარდამტეხ წერტილად ითვლება. დემოკრატიული უკანდახევა და გარე რეალობები ქმნიან სამკუთხედური გავლენის სისტემას: რუსეთს აქვს მეტი პოლიტიკური ვიდრე ეკონომიკური გავლენა; ევროკავშირი ინარჩუნებს ეკონომიკურ გავლენას, თუმცა პოლიტიკური გავლენა შემცირებულია; ჩინეთი, რომელიც სთავაზობს ქვეყანას არიდეოლოგიურ ალტერნატივას, მისი გავლენა იზრდება სტაბილურად.

ეს სამკუთხედი აჩვენებს, რომ საქართველო არის “შეღავათების მიმღები ქვეყანა”. მცირე სახელმწიფო, რომელიც ცდილობს მრავალ ძალასთან ურთიერთქმედებას, სარგებლის მიღებას ისე, რომ არ ახდენს ინტეგრირებას რომელიმე ერთ-ერთ გლობალურ ძალასთან. სხვადასხვა ტიპის გავლენის ზემოქმედებით, საქართველო წარმოადგენს ახალ მოდელს მცირე სახელმწიფოებისთვის დიდ ძალთა კონკურენციის პირობებში.

საქართველოს ეს მოდელი ეწინააღმდეგება ცივი ომის შემდეგ არსებულ წარმოდგენას, რომ მცირე სახელმწიფოებმა უნდა აირჩიონ აღმოსავლეთი ან დასავლეთი. ნაცვლად ამისა, საქართველო იყენებს

“ბუფეტის მოდელს” და იღებს ეკონომიკურ, პოლიტიკურ, იდეოლოგიურ ან უსაფრთხოების მხარდაჭერას სხვადასხვა ძალებისგან, ისევე როგორც მენიუდან ხდება სადილის არჩევა. თუმცა კითხვა იბადება პარტნიორობის გარეშე ასეთი მიდგომა, რომელიც გულისხმობს რუსული კულტურულ-პოლიტიკური კაპიტალის გამოყენებას ეკონომიკური დამოკიდებულების გარეშე; ევროკავშირის ეკონომიკური და ტექნიკური მხარდაჭერის მიღებას პოლიტიკურად ინტერგაციის გარეშე, ჩინური ფინანსების გამოყენებას იდეოლოგიური პირობების გარეშე, რამდენად უზრუნველყოფს ქვეყნის სტრატეგიულ ავტონომიას მომავალში. საქართველოს გეოპოლიტიკა უარყოფს ბინარულ ცივილიზაციურ პარადიგმებს და ასახავს ახალ სტრატეგიულ ქცევას – მრავალვექტორულ ჩართულობას, პრაქტიკულ გარიგებაზე დაფუძნებული ურთიერთობების კონტექსტში.

დასკვნა

საქართველოს ეკონომიკური და პოლიტიკური-იდეოლოგიური ლანდშაფტის ტრანსფორმაცია ვითარდება რუსეთისა და ევროკავშირის ტრადიციული გავლენისაგან განსხვავებული უფრო რთული, სამპოლარული სისტემის ფორმირებით, სადაც ჩინეთი ხდება მნიშვნელოვანი და მზარდი აქტორი. ეს ცვლილება მიუთითებს ისეთი გარემოს ფორმირებაზე, სადაც არცერთი ძალა არ ფლობს უპირობო დომინანტობას. მიუხედავად იმისა, რომ საქართველო ბოლო 30 წლის განმავლობაში მართავდა გლობალური ძალების ინტერესებს შორის ბალანსს, მთავარ შეკითხვად რჩება: რამდენად მდგრადია იქნება ასეთი სამპოლარული ბალანსი გრძელვადიან პერსპექტივაში, როგორ მიიღებს დომინანტობას რომელიმე ძალა და განხორციელდება ქვეყნის ერთი გეოპოლიტიკური ბლოკისკენ სვლა.

მართალია ქვეყნის ეკონომიკური წინსვლისათვის აუცილებელია გეოპოლიტიკურ რეალობებთან ადაპტირება. როგორც მცირე სახელმწიფო, საქართველოს არ აქვს შესაძლებლობა პირდაპირ განსაზღვროს გლობალური პოლიტიკა. დიდი სახელმწიფოები, რომლებიც ფლობენ მნიშვნელოვან ეკონომიკურ რესურსებს, სამხედრო ძალას და სტრატეგიულ ალიანსებს, განსაზღვრავენ სისტემურ დინამიკას. მცირე სახელმწიფოებს შეუძლიათ საკუთარი გეოსტრატეგიული პოზიციიდან მოპოვებული სტრატეგიული შესაძლებლობების გამოყენება რეგიონალურ და გლობალურ პროცესებზე გავლენის მოხდენისთვის. საქართველოსათვის კი არჩეული მრავალპოლარული მიმართულებები შესაძლებელია აღმოჩნდეს „გზა არსაითკენ“.

გამოყენებული ლიტერატურა:

1. Civil Georgia. (2025, March). *V-Dem's 2025 report: Georgia marked largest one-year democratic decline since independence*. Civil Georgia. <https://civil.ge/archives/669098>
2. Delcour, L. (2018). Dealing with the elephant in the room: The EU, its 'Eastern neighbourhood' and Russia. *Contemporary Politics*, 24(1), 14–29. <https://doi.org/10.1080/13569775.2017.1408169>
3. Farrell, H., & Newman, A. L. (2019). Weaponized interdependence: How global economic networks shape state coercion. *International Security*, 44(1), 42–79. <https://direct.mit.edu/isec/article/44/1/42/12237/Weaponized-Interdependence-How-Global-Economic>
4. Freedom House. (2024). *Nations in transit 2024: Georgia*. Freedom House. <https://freedomhouse.org/country/georgia/nations-transit/2024>
5. Freedom House. (2025). *Freedom in the world 2025: Georgia*. Freedom House.
6. Kakachia, K., & Minesashvili, S. (2015). Identity politics: Exploring Georgian foreign policy behavior. *Journal of Eurasian Studies*, 6(2), 171–180. <https://doi.org/10.1016/j.euras.2015.04.002>
7. Korosteleva, E. (2012). *The European Union and its Eastern neighbours: Towards a more ambitious partnership?* Routledge.
8. McClory, J. (2019). *The soft power 30: A global ranking of soft power*. Portland Communications. <https://portland-communications.com/publications/a-global-ranking-of-soft-power-2019/>
9. MacFarlane, S. Neil. (2012). Georgia: National Security Concept versus National Security. *Russia and Eurasia Programme Paper REP PP*, January 2012.
10. National Intelligence Council. (2021). *Global trends 2040: A more contested world*. Washington, DC: Office of the Director of National Intelligence. <https://www.dni.gov/index.php/gt2040-home>
11. Spence, M. (2023, March 30). Destructive decoupling. *Project Syndicate*. <https://www.project-syndicate.org/commentary/us-china-economic-decoupling-consequences-by-michael-spence-2023-03>
12. Papava V. (2025), On the Formation of a Two-and-a-Half Polar World, *Eurazia Review, A journal of Analysis and news*, <https://www.eurasiareview.com/24072025-on-the-formation-of-a-two-and-a-half-polar-world-oped/>
13. World Bank WITS. (2022). *Georgia trade data*. World Bank. World Integrated Trade Solution. <https://wits.worldbank.org/CountrySnapshot/en/GEO/text-view>